



UNIVERSITÄTS-  
BIBLIOTHEK  
PADERBORN

# **Vita Et Doctrina Jesu Christi**

**Avancini, Niccolò**

**Coloniae Agrippinae, 1689**

Hebdomada Resurrectionis.

---

[urn:nbn:de:hbz:466:1-59970](https://nbn-resolving.org/urn:nbn:de:hbz:466:1-59970)

spirituali, condi aromatibus, sive cura illorum famæ, involve sindone silentii eorum defectus

3 *Et posuit illud in monumento suo novo, quod exciderat in petra, & advolvit saxum magnum ad ostium monumenti.* Matth. 27. Sepelis in corde Christum, quoties sumis. Hæc ergò observa. Sit sepulchrum novum, in quo non sit ullus alius positus sinister affectus: sit in lapide immobilitatis, & constantiæ: advolve saxum efficacium propositorum: circumda custodiam sanctarum cogitationum, &c.

## DOMINICA RESURRECTIONIS.

1 **R**esurrexit tertia die secundum scripturas. 1. Cor. 15. Succedunt læta tristibus. Deus ita constituisse videtur, ut per aspera eatur ad amœna. Christus gloriæ resurrectionis præmisit 33. años duræ vitæ, tres dies acerbissimæ passionis. Sic ergò & tibi eundem ad gloriam. Si commortuus fueris, & convives.

2. *Ego dormivi, & soporatus sum, & exsurrexi.* Psal. 3. Anima Christi reunitur corpori, ut quod socium fuit passionum, esset & resurrectionis. In momento recedunt livor, & vulnera; accedunt decor, & gratia, quo

tam corporis , quàm animæ illius gaudio ! quibus Patrum è limbo eductorum affectibus, fidei, spei charitatis, gratulationis, &c. Accede ad Christum paribus: & ut gaudium tuum sit plenum , unire & tu tanquam membrum corporis Christi illius animæ per amorem.

3. *Quomodo Christus surrexit à mortuis per gloriam Patris , ita & nos in novitate vitæ ambulemus.* Rom. 6. Recipis fructum resurrectionis Christi, si ambulas in novitate vitæ ; sed non ambulas in novitate vitæ, nisi occidas veterem hominem. Sicut non est ingressus ad vitam æternam , nisi per mortem naturalem; ita nec ad novam, perfectamque vitam ingredieris, nisi *spiritu sancto* et carnem mortifices.

## F E R I A II.

### De dotibus Corporis gloriosi.

1. *Seminatur in corruptione, surget in incorruptione.* I Corinth. 15. Prima corporis gloriosi dos est, qua & mortis, & morborum ac vulnerum immune redditur. *Mors illi ultra non dominabitur.* Rom. 6. Quibus mediis ad hanc evasit Christus ? Patiendo, & moriendo. Huc tu evadere debes, ut nec in prosperis , nec in adversis ullo pravo affectu corrumperis. Ad hoc verò expendere, quam

quàm necessarium sit morificationis studium, juxta reg. Summarij 12. mam.

2. *Seminatur corpus animale, surget corpus spirituale.* Ibidem. Secunda dos est subtilitas, qua corpora dura, & aliis corporibus resistentia penetravit. Tu penetra omnes difficultates, & impedimenta in via virtutis. *Omnia potes in eo qui te confortat.* Sed ad hoc quoque opus est, ut seminetur animale, & proprii commodi studiosum.

3. *Seminatur in infirmitate, surget in virtute.* Ibid. Tertia dos est agilitas, qua se ubi volebat, momento præsentem sistebat. An ita agilis ad inspirationes divinas? an ad nutus Superiorum? an ad progressum in via virtutis? an ad seminandum in infirmitatis suæ cognitione, & abjectione tui?

4. *Seminatur in ignobilitate, surget in gloria.* Ibid. Quarta dos, claritas, qua longè supra solem resplenduit. *Sic luceat lux tua coram hominibus, ut videant opera tua bona.* At non erit, nisi semines in ignobilitate, & abnegatione tui.

### F E R I A III.

De vulnerum cicatricibus in glorioso corpore reservatis.

**Q**uid sunt plage istæ in medio manum quarum? Zach. 13. Euseb. Emiss. hom.

10. de Pasch. ait: Ideò in glorioso Corpore retenta vulnera. *Ne causam ipsam gloria obscuraret lux gloria* Voluit in æternum constare, se per vulnera emisse gloriam. Si hoc est glorię pretium, quid ego olim ostendam, qui pati detrecto: *Christum oportuit pati, & ita intrare.* Ergone mihi alia via pingetur?

2. *Non obliviscar tui: Ecce in manibus meis descripsi te* Isa. 49. Altera retentorum cicatricum causa est, ut sint Christo memoriale sui in nos amoris, pro quibus ea pati voluit; & in iis legat pretium nostrę salutis, pergatque adhuc nos amare, qui tanto illi constamus. Ergò tui memoriam in æternum vult habere Jesus. Recordare & tu Salvatoris tui At non sæpè recordaberis, nisi obliviscaris creaturarum, quę memoriam Dei impediunt.

3. *Et videbit eum omnis oculus. & qui eum pupugerunt* Apoc 1 v 7 Tertia causa est, ut olim damnandis ea ostendat, exprobrat sævitiam, qui eum peccatis suis crucifixerunt; ingratitude, qui tãto amoris non responderunt. Item, ut ostendat beatis in æternum, & gaudeant de amore tanto, qui per cicatrices elucet. Quomodo tu eas aspicias? an cum confusione? an cum gaudio?

## F E R I A IV.

## Apparet sanctissimæ Matri suæ.

1. *Qui diligit me, diligetur à Patre meo; & ego diligam eum, & manifestabo ei me ipsum* Ioan. 14. Manifestasse se Christum Matri, non tradunt Evangelistæ, at certum creditur; quia eam præ cæteris dilexit, & præ cæteris ab ea diligebatur. Amans, ut ad centrum, properat ad amatum Nondum sentis tibi per sancta lumina manifestari Iesum? fortè non satis amas Amantibus se manifestat Iesus

2. *Secundùm multitudinem dolorum meorum consolationes tuæ latificaverunt animam meam.* Psal. 93. Cogita quæ fuerit Virgini viso filio consolatio. Ut eam assequaris, magnitudinem doloris in passione habiti expende. Ad mensuram doloris datur consolatio. Quantum tu sperare possis, ex mortificationis, & toleratæ afflictionis magnitudine collige.

3. *Anima mea liquefacta est, ut dilectus locutus est* Cant. 5. Cogita quod fuerit expectantis Virginitatis desiderium; qui jam Christum aspicientis affectus, demissionis, devotionis, adorationis, gratulationis de exantillato tanto opere; gaudii de triumpo resurrectionis, amoris, &c qui omnes exferventi in

Iesum desiderio nascuntur. Non experiris hos in te? Excita fervens videndi, & cognoscendi Dei desiderium, sequentur reliqui.

## F E R I A V.

**Sanctæ mulieres tendunt ad sepulchrum Christi.**

1. **U***Na autem Sabbathi valde diluculo venerunt ad monumentum, portantes quæ paraverant aromata. Luc. 24. Cogita harum studia. 1. Emunt aromata. Iam non habebant amplius, quod posset vanitati servire. 2. Conficiunt unguentum, etsi scirent jam à Iosepho & Nicodemo unctum, spectantes non quid ab alijs factum sit, sed quid à se fieri deceat. 3. Valde mane exeunt, non citra incommodum tenebrarum, & fortè insomnem noctem transegere ob dolorem 4. Veniunt ad monumentum sine metu custodum. Amor enim eas urgebat. Verè amas Iesum, si hæc ei obsequia præstas.*

2. *Et dicebant ad invicem: Quis revolvat nobis lapidem? Mar. 16. Expendunt difficultatem, quæ obviat suscepto operi: agnoscunt vires sibi ei superandæ non suppetere. Non cedunt tamen, sed pergunt. En constantiâ in bono, fiduciam in Deo natam ex amore. Usurpa tu hanc sæpè reflexionem: quis*

quis revolvat mihi lapidem hujus tentationis, difficultatis, impedimenti? ne imparatus retundaris. Fide Deo, ubi tu deficis, & susceptum onus constanter urge.

3. *Et ecce terra motus factus est magnus, & respicientes viderunt revolutum lapidem.* Matth. 28. Marc. 16. En ut divina providentia constantiam, & fiduciam juvat! Terræ motu revolvitur lapis, fugantur custodes, qui opus meditarum impedire potuissent. Ita seridè Deus ad se tendentibus adest: tollit impedimenta externa, aliorum hominum, aut circumstantiarum, interna malorum habituum, & consuetudinum, fugat Dæmones inimicos. Expende quoties id sis expertus; & persevera in bōno, confide in Deo.

## F E R I A VI.

### Sanctæ mulieres de resurrectione Christi ab Angelo informantur.

1. **R**espondens autem Angelus dixit mulieribus. Nolite timere vos, scio enim quòd Iesum, qui crucifixus est, queritis Mat. 28. En alterum timentibus, sollicitè tamen Deum querentibus solatium! sed cur non timeant terræ motum, Angelum aspectu fulguris? Quia Iesum quærunt crucifixum. His sua Deus mittit solatia. At carebis illis, dum

M 5                      reipsum,

teipsum, dum creaturas, dum aliud præter Iesum, & hunc Crucifixum quæres.

2. *Non est hic: surrexit enim sicut dixit.* Ibid. Quærent Iesum in tumulto. Dolere poterant, quòd hîc non esset; sed si suum Iesu bonum amabant, gaudere debebant, quòd gloriosus surrexerit. Ubi tu Iesum quæris: in tuis commoditatibus? in creaturis? in sensuum oblectamentis? Quoties respondent tibi Divina lumina: *Non est hic?* quoties frustra, & damno tuo quæxivisti? & nondum desistis?

3. *Venite, videte locum, ubi positus erat Dominus.* Et ingressa non invenerunt corpus Domini Iesu, Ibid. & Luc. 24. Amor erat, quo Iesum quærebant, sed adhuc sensualis, ut eum viderent, tangerent, ungerent. Ideò non invenerunt. Puro querendus amor est. Examina intentiones tuas, an puræ sint, an soli Iesu intentæ, an nihil amor proprii admixtum? mixtâ nõ invenies eum, qui solùm purâ intentione invenitur.

## S A B B A T H O.

Reprehenduntur mulieres, & mittuntur nuntix ad Apostolos.

1. *Cum timerent autem, & declinarent a vultu in terram, dixerunt: Quid queritis?*

quæritis: *viventem cum mortuis?* Luc 24.  
 Reprehendi merentur, quia Angelis clarè  
 monstrantibus non credunt. Has imitan-  
 tur, qui in rebus etiam sanctis non sequun-  
 tur ductum Patris spiritualis, & suo sensui in-  
 hærent. Quærunť Iesum, cui se dedant; sed  
 inter mortuos cum iudicio, & amore pro-  
 prio. Ibi est Iesus, ubi nihil tui est.

2. *Non est hic, sed surrexit.* Ibid. Infallibi-  
 le resurrectionis signum exhibent, quia *non*  
*est hic*. Hoc argumento probatur nostra spi-  
 ritualis resurrectio: si à verace Angelo, non  
 à blandiente sensu dici possit, non est in hac  
 imperfectione, in hoc pravo affectu, in hac  
 passione, in priore tepiditate spiritus. Gau-  
 de, si sic sit: si non est, cura ut sit.

3. *Cito euntes dicite Discipulis eius, quia*  
*surrexit* Matth. 28. Nomine Christi hoc  
 mandant Angeli mulieribus. At non mere-  
 bantur tam læta nuntia Apostoli, qui eum  
 tam foedè deseruerant. Spectavit Christus,  
 quid suus amor postulet, non quid eorum  
 merita. Amat etiam immerentes. Hoc me  
 indignum amore mei Domini solatur. Non  
 intres in iudicium cum servo tuo Do-  
 mine, sed fac secundum miseri-  
 cordiam tuam,